



Broj: 06-05-12636-4/18  
Sarajevo, 27.03.2018.g.

Na osnovu Programa mjera za poticaj zapošljavanja boračke populacije u Kantonu Sarajevo za 2018/2019. godinu, prihvaćenog Zaključkom Vlade Kantona Sarajevo broj: 02-05-11332-13/18 od 22.03.2018.godine Ministarstvo za boračka pitanja Kantona Sarajevo, o b j a v l j u j e

**JAVNI POZIV**  
**za realizaciju mjere sufinansiranja samozapošljavanja pripadnika boračke populacije i članova njihovih porodica koji su prijavljeni na evidenciju nezaposlenih u Kantonu Sarajevo**

**I - PREDMET JAVNOG POZIVA**

Programom realizacije poticajnih mjera zapošljavanja pripadnika boračke populacije Ministarstva za boračka pitanja Kantona Sarajevo za 2018/2019. godinu broj: 06-05-12636/18 od 06.03.2018. godine planirana je i mjera sufinansiranja samozapošljavanja pripadnika boračke populacije i članova njihovih porodica koji su prijavljeni na evidenciju nezaposlenih u Kantonu Sarajevo koja se realizira samozapošljavanjem nezaposlenih iz navedene kategorije, registrovanjem samostalne djelatnosti (osnivanjem privrednih društava, društva sa ograničenom odgovornošću, obrta, zanatskih radnji, agencija i drugo). Ova mjera omogućuje pravo sudjelovanja u raspodjeli sredstava koje mogu ostvariti prije svega mladi, djeca pripadnika boračke populacije (demobilisanih boraca – branitelja, djece šehida, poginulih, umrlih i nestalih branilaca, ratnih vojnih invalida, kao i dobitnika najvećih ratnih priznanja i odlikovanja), prijavljenih na evidenciju nezaposlenih u Kantonu Sarajevo, sa razrađenim projektima usmjerenim na realizaciju ciljeva samozapošljavanja/zapošljavanja.

Opći cilj Programa je resocijalizacija boračke populacije putem njihove integracije na tržište rada, odnosno povećanje mogućnosti za njihovo zapošljavanje, kako bi se i uz druge programe ove vrste i aktivne mjere zapošljavanja u Kantonu Sarajevo moglo utjecati na stvaranje uvjeta za zapošljavanje ovih ranjivih kategorija.

Poseban cilj Programa je poboljšati pristup tržištu rada i stvoriti minimalne uvjete za zapošljavanje i samozapošljavanje boračke populacije, čime bi se povećala konkurentnost ovih lica na tržištu rada. Razvijanje svijesti o potrebi udruživanja u zadruge, kao jedan od načina da se ostvari cilj zapošljavanja kompletnih porodica iz ove populacije i izbor deficitarnih, na tržištu traženih i aktuelnih djelatnosti što će dovesti do povećanja konkurentnosti ove populacije kako na tržištu rada, tako i na tržištu uopće.

Predmet ovog Javnog poziva je provođenje mjera samozapošljavanja/zapošljavanja pripadnika boračke populacije tj. odobravanje sredstava za sufinansiranje poslovnih planova za samozapošljavanje pripadnika boračke populacije i članova njihovih porodica koji su prijavljeni na evidenciju nezaposlenih u Kantonu Sarajevo i koji registruju samostalnu djelatnost (privredno društvo, društvo sa ograničenom odgovornošću, obrt, zanatsku radnju, agenciju i drugo).

Sredstva planirana u Budžetu Kantona Sarajevo za ove namjene iznose 180.000,00 KM.

**II - PRAVO UČEŠĆA**

Pravo učešća imaju pojedinci – nezaposlena lica :

a) koja su bila prijavljena na evidenciji nezaposlenih u Kantonu Sarajevo prije objavljivanja javnog poziva,

- b) koja nisu koristila poticaj za samozapošljavanje u prethodnom periodu,
- c) koja moraju imati prijavljeno prebivalište/boravište na Kantonu Sarajevo, a najkasnije do 06.02.1999. godine i dalje neprekidno.

U okviru ove mjere zapošljavanja neće se sufinansirati osnivanje udruženja i fondacija.

### III – NAČIN ODOBRAVANJA SREDSTAVA I OPĆI I POSEBNI KRITERIJI

Odobrovanje sredstava iz tačke I ovog poziva vršiti će se u skladu sa općim i posebnim kriterijima.

Opći kriterij za odobrenje sredstava za sufinansiranje samozapošljavanja nezaposlenih lica su:

- a) pripadnost boračkoj/braniteljskoj populaciji (djeca i članovi njihovog porodičnog domaćinstva),
- b) da su bili prijavljeni na evidenciji nezaposlenih u Kantonu Sarajevo prije objavljivanja Jvnog poziva,
- c) da nisu koristili poticaj za samozapošljavanje u prethodnom periodu,
- d) podnositelj aplikacije mora imati prijavljeno prebivalište-boravište na Kantonu Sarajevo, a najkasnije do 06.02.1999.godine i dalje neprekidno.

Posebni kriteriji za odobrovanje sredstava za sufinansiranje poslovnih planova za samozapošljavanje pripadnika boračke populacije su:

1) Dužina trajanja nezaposlenosti aplikanta:

- a) Aplikanti koji su na evidenciji nezaposlenih do 12 mjeseci.....1 bod
- b) Aplikanti koji su na evidenciji nezaposlenih od 12 do 48 mjeseci.....4 boda
- c) Aplikanti koji su na evidenciji nezaposlenih preko 48 mjeseci.....5 bodova

2) Vrsta djelatnosti:

- a) Proizvodnu, turističku ili djelatnost iz IT sektora.....15 bodova
- b) Proizvodno uslužno zanatstvo i stručne usluge.....10 bodova
- c) Intelektualna i uslužna djelatnost.....8 bodova
- d) Poljoprivredna djelatnost i domaća radinost.....2 boda
- e) Ostale djelatnosti .....1 bod

Aplikanti koji žele da pokrenu poljoprivrednu djelatnost dužni su dostaviti rješenje o registrovanom poljoprivrednom gazdinstvu.

3) Posjedovanje prostora za obavljanje djelatnosti:

- a) Aplikanti koji imaju obezbijeđen poslovni prostor, zemljište, prostore za proizvodnju, kancelarije tako da za te namjene neće morati izdvajati posebna sredstva.....15 bodova
- b) Aplikanti koji koriste prostor za obavljanje djelatnosti ili zemljište po osnovu zakupa.....10 bodova
- c) Aplikanti koji nemaju obezbijeđen prostor za obavljanje djelatnosti.....1 bod.
- 4) Aplikanti koji će registrovati društvo sa ograničenom odgovornošću.....5 bodova.

5) Ocjena poslovnog plana:

- a) Zadovoljava..... 5 bodova
- b) Dobra.....10 bodova
- c) Odlična.....20 bodova

Opći kriteriji su eliminatorni, dok će se po posebnim vrijednovati zaprimljene aplikacije koje ispunjavaju opće kriterije, te na osnovu osvojenih bodova sačiniti će se rang lista.

U slučaju da nakon vrijednovanja aplikacija, dva ili više aplikanta imaju jednak broj bodova, prednost ima aplikant koji je duže vrijeme na evidenciji nezaposlenih, a ako i dalje imaju isti broj bodova onda prednost ima aplikant iz proizvodne, turističke ili djelatnosti iz IT sektora, odnosno ako dva ili više aplikanta i dalje imaju isti broj bodova, prednost se daje aplikantu koji je prije podnio aplikaciju za učešće u ovoj mjeri.

Nezaposlenim osobama koje budu obuhvaćene ovom Mjerom i koje registruju samostalnu djelatnost

(privredno društvo, društvo sa ograničenom odgovornošću, obrt, zanatsku radnju, agenciju i drugo) na ime troškova registracije i početnog kapitala doznačiti će se sredstva u iznosu od 2.000,00 KM i jednokratno će se doznačiti sredstva od po 6.000,00 KM za dio isplate plaće i uplate zakonom propisanih poreza i doprinosa za sebe i svako naredno novouposleno lice. Sredstva se mogu odobriti u određenom iznosu i za nabavku proizvodnih mašina, nabavku kompjutera, kancelarijskog materijala, kao i za nabavku repromaterijala za ostvarivanje djelatnosti firme i slično.

Vrijednovanje aplikacija se vrši na osnovu priložene dokumentacije, u skladu sa naprijed navedenim kriterijima. Vrijednovanje vrši Stručni tim pri Ministarstvu, koji sačinjava i prijedlog liste aplikanata za učešće u mjeri. Konačnu listu aplikanata utvrđuje Ministar nakon čega se pristupa zaključenju ugovora sa aplikantima čije su aplikacije za učešće u ovoj mjeri prihvaćene.

Ugovorom se uređuju međusobna prava i obaveze Ministarstva i aplikanata, obavezu isplate plaće i zakonom propisanih poreza i doprinosa za zaposlenu osobu, obavezu dostavljanja dokaza o registraciji samostalne djelatnosti ili pravnog lica, dostavljanje ugovora ili potvrdu od banke o otvaranju računa sa navedenim transakcijskim/tekućim računom, obavezu pravdanja pomenutih troškova, obavezu aplikanta za zaključenje ugovora o radu sa punim radnim vremenom na period od najmanje 12 mjeseci za sebe ili eventualno druge novouposlene osobe, držanje registrovane djelatnosti najmanje 12 mjeseci, i dr.

#### **IV- DOKUMENTACIJA**

Sva zainteresirana nezaposlena lica prilikom apliciranja na Javni poziv dužni su dostaviti slijedeću osnovnu dokumentaciju:

- a) Adekvatno popunjen i ovjeren aplikacioni formular;
- b) Uvjerenje o pripadnosti boračkoj populaciji za aplikante, kao i za lica koje će eventualno zaposliti ovjereno od strane nadležnog općinskog organa ili notara;
- c) Uvjerenje od Službe za zapošljavanje da je aplikant prijavljen na evidenciju nezaposlenih u Kantonu Sarajevo prije objavljivanja javnog poziva;
- d) Uvjerenje o kretanju za aplikanta;
- e) Poslovni projekat za koji se traži sufinansiranje sa očekivanim prihodima i rashodima kao i drugim činjenicama i dokazima koji govore u prilog opravdanosti projekta;
- f) Uvjerenje o izmirenim poreskim obavezama na ime aplikanta ne starije od 30 dana od dana objave javnog poziva (Porezna uprava FBiH);
- g) Izjava da nije korišten poticaj za samozapošljavanje u prethodnom periodu ovjerena od strane nadležnog općinskog organa ili notara;
- h) Dokaz o vlasništvu, najmu, zakupu ili koncesiji nad prostorom ili zemljištem gdje će se obavljati djelatnost;
- i) Aplikanti koji podnose zahtjev za pokretanje poljoprivredne djelatnosti dužni su dostaviti rješenje o registrovanom poljoprivrednom gazdinstvu;
- j) druga dokumentacija na zahtjev Stručnog tima.

#### **V - PROCES ODABIRA I OBJAVA LISTE**

Proces odabira će vršiti Stručni tim, a Ministar donosi konačnu odluku o dodjeli sredstava po Javnom pozivu.

Svi podnosioci će se bodovati i rangirati, a rang lista će biti objavljena na info-punktu Ministarstva za boračka pitanja Kantona Sarajevo (šalter sala Kantona Sarajevo) telefon: 033/562-273 i web stranici Ministarstva [www.mbp.ks.gov.ba](http://www.mbp.ks.gov.ba)

Ministarstvo na osnovu konačne odluke zaključuju ugovore sa krajnjim korisnicima.

#### **VI – NADZOR, KONTROLA I IZVJEŠTAVANJE**

Odobrena sredstva za pomoć u zapošljavanju pojedinaca-nezaposlenih lica iz Budžeta Ministarstva moraju se iskoristiti za odobrene namjene, prema odredbama ugovora koji će ministarstvo sklopiti sa korisnicima sredstava.

Prije konačnog potpisivanja ugovora sa korisnikom sredstava, a na osnovu procjene Stručnog tima, Ministarstvo može tražiti izmjenu i dopunu Proizvodnog programa ili Poslovnog plana, kako bi procenjeni troškovi odgovarali realnim troškovima u odnosu na predložene aktivnosti.

Svaki korisnik sredstava odobrenih po ovom Javnom pozivu, obavezan je nakon realizacije odobrenih projekata, a po potrebi i na zahtjev Ministarstva, dostaviti detaljan izvještaj o utrošku odobrenih sredstava sa finansijskog aspekta zajedno sa kompletnom dokumentacijom, što će se detaljnije propisati odredbama pojedinačno sklopljenim ugovorima sa korisnikom sredstava.

Za izvršenje ugovora aplikanti su obavezni obezbijediti bjanko mjenicu sa mjeničnom izjavom, a sredstva za osnivanje pravnih lica doznačavat će se na bazi refundacija kada aplikanti dostave dokaze o registraciji pravnog lica.

## VII- OSTALE INFORMACIJE

Lica (fizička ili pravna) koja su već ostvarila pravo na novčanu pomoć po istom ili sličnom osnovu, a ne radi se o nastavku realizacije projekata, neće se uzimati u razmatranje.

Zahtjevi se dostavljaju u roku od 21 dan od dana objavljivanja ovog poziva, a mogu se po potrebi zaprimati i sve do isteka za ove namjene planiranih sredstava.

Zahtjevi koji nisu kompletirani sa traženim dokumentima iz tačke IV ovog poziva, mogu se dopuniti i kompletirati u razumnom roku, a do tada se neće uzimati u razmatranje.

### NAPOMENA:


- Obavezno predavati fotokopije dokumenata koje moraju biti ovjerene ili original dokumenta.
- Predata dokumentacija svih aplikacija neće se vraćati podnosiocima zahtjeva.

## VIII-MJESTO PODNOŠENJA ZAHTJEVA

Za priznavanje i ostvarivanje navedenih oblika prava, zahtjevi na posebno propisanom obrascu za svaki oblik ostvarivanja prava (šalter sala Kantona Sarajevo) sa potrebnom dokumentacijom podnose se na slijedeću adresu: Ministarstvo za boračka pitanja Kantona Sarajevo, ulica Reisa Dž. Čauševića br.1, 71000 Sarajevo putem pošte ili ličnim podnošenjem u šalter sali Kantona Sarajevo.

Informacije vezano za predmet Javnog poziva, mogu se dobiti na info-punktu Ministarstva za boračka pitanja Kantona Sarajevo (šalter sala Kantona Sarajevo) telefon: dir. 033/562-273 ili Centrala 033/562-000 lokal 2273.

Tekst Javnog poziva, rang lista i propisani aplikacioni formulari biće dostupni na Web stranici Ministarstva [www.mbp.ks.gov.ba](http://www.mbp.ks.gov.ba)



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012, Fax: + 387 (0) 33 562-251  
Sarajevo, Reisa Džemaludina Čauševića 1

